

高太史大全集

高太史大全集卷之四

吳郡高啓季迪著

南州徐庸用理編

五言古體

感舊訓宋軍咨見寄

我酒且緩傾聽君放歌行君歌意何苦慷慨陳平生
少爲閭鷄兒鮮裘奮春明走馬出飛彈撇揆誇身輕
氣服諸俠徒不倚父與兄落花錦坊南美人理粧迎
綠雲晚不度樓上鳴瑤箏酒酣迸五木脫帽呼輸贏
及壯家已破狂遊耻無成太白犯紫微三辰晦光精

金鏡偶淪照干戈起紛爭中原未失鹿東海方橫鯨
遂尋鬼谷師從之學言兵石室得陰符龍帟隨權衡
業成事燕將速戍三閔營岩谷雨雪霏哀獸常夜鳴
撫劍起流涕軍中未知名奇勲竟難圖迴臨石頭城
石頭何壯哉山盤大江橫黃旗想王氣玉樹聞歌聲
晚登臨滄觀惻愴懷古情覽時識禍機不因憶尊羹
飄然別戎府震澤還東征歸來訪鄉閭餘掩蓬荊
舊宅人已改荒池泉尚清瘦妻倚寒機正嘆伊威盈
從茲謝行役閑園事躬畊懶求薦辟書傲然揖公卿
衰蕙弔蟋蟀柔桑喚鸝鷯閉門節屢變壯魄空潛驚

昔同徒步人十年擁麾旌鴻毛獨未順蹭蹬遠霄程
知音竟爲誰四海嗟惻惻齊竽不解奏楚璞何由呈
顧余雖腐儒當年亦崢嶸小將說諸侯捧檄定從盟
大欲千萬乘獻策登蓬瀛洪濶阻川途浮雲蔽天京
終焉困澤畔日暮吟離蘅賤貧此時屈復與喪亂并
何殊九月中嚴霜折枯莖頗聞君子心道窮貴益貞
已志未獲施安用軒裳榮今晨喜逢君有壺對前楹
風日初澹沲櫻桃作繁英適意不一醉屑屑徒悲縈
達人若相遇大笑絕冠纓

蕭鍊師鷹窠絕頂丹房

人間不可住，混濁同腐腥。一落三十年，塵夢無由醒。
稍聞方士說，恍惚通仙靈。羨門與伍仝，相期餌芝苓。
自顧真病鶴，秋風墮踈翎。碧海不得渡，煙霧愁冥冥。
師從天姥來，身佩豁落經。不邀五利寵，深棲鍊神形。
東觀鷹窠峰，中天插孤青。其下吐浴日，其高星飛星。
昔有學道侶，并曰遺岩扃。愛茲絕俗地，遂爾留軒輶。
太鼎生紫煙，丹成衛天丁。金骨坐可蛻，騎龍駕風霆。
積水浮方壺，東望類點萍。紫臺白玉榜，中有真人庭。
飛遊願從師，往讀新宮銘。

隨月圖

空齊無短檠愁度新涼夜青天素娥出餘輝獨堪借
達曙顛徘徊莫逐秋河下

映雪圖

簷雪不能掃留映寒牕白書字細如蠅坐看還歷歷
華燈照歌帳誰似南隣客

顧榮廟

晉侍中顧彥先祠廢縣令周君復之賦此
軍司吳國秀機神夙超朗弱冠遊洛師已蒙南金賞
崎嶇諸王幕沉湎務遵養中罹廣陵艱計服匪誠枉
風雲一揮扇義旅臻同響事成耻言勲飄然理歸鞅

晉社始東遷群賢悉收獎道謁真感會矯翼丹青上
德聞一代稱跡浪千齡往時屯乏良佐英謨益堪想
墳祠托荒郊蕭然並榛莽童侵雨隧淫巫闖塵幌
大夫過停轅式瞻爲含愴衣冠復故貌筵几陳新享
寡劣忝鄉人因歌表遐仰

秋懷十首

少時志氣壯不識秋氣悲呼鷹射鳴鴈深驚東山陂
中年漸多懷惻惻當此時登高望原陸不見車馬馳
思我平生惟高墳鬱纍纍在人非羨門誰能久華滋
惟有盈觴酒可以持自怡

又

明月出遠林流輝鑒牀幃促促草下虫催我索故衣
起嘆秋夜長欲取鳴琴揮掩抑不成弄中心復乖遠
有懷難自宣勿謂知音稀

又

搴荷荷已老采蘭蘭亦摧無由翫芳物暢望江之隈
木落山更空猿聲有餘哀所思去我遠佳期邈悠哉
被垢尚可澣沫濛猶難開我愁亦可念當秋鬱難裁
棄置勿嘆息多愁損顏衰

又

志士憂歲晚羈人感秋早
騷騷髻絲垂索索枯葉搞
誰言衆芳歇時菊正鮮好
日暮餐其英聊開我懷抱
貧賤難久居欲去恐違道
時命恐未通徜徉以終老

又

秋風夜颼颼秋色日瀟瀟
觀人亦心驚况乃居愁者
塊處厭空宇命駕聊適野
征鴻莫相呼牛羊亦同下
我居久離群憂襟向誰寫

又

涼風動幽幔高堂夜空虛
明燈無與語聊讀古人書
古人亦何人使我不得如
棄卷輒還卧終宵自歎歔

又

鳴蛩入我戶落葉覆我井何無四方志戀此一室靜
問途欲晨征畏踐霜露冷濁醪幸方熟夕飲燭可炳
勿憂去日多但願來日永不知苦驅馳孰若長酩酊

又

弱齡弄篇翰出門結群賢俛仰幾何時已有好新年
歡晤雖常逢憂患亦屢牽世故馳人老髮髻能久玄
沉思復何爲省我既往愆問道行已飲中途曷歸旋

又

朝遊荒岡陲莫行空潭側我非楚大夫何有憔悴色

良辰思遠騁周道廣且直我馬力不前回駕仰偃息
踟躕阻脩竹日夕睇西北苟安非予志所懼時未識

又

弭棹望江渙日落青楓林驚波駛且廣蕩漾浮雲陰
靡靡臯蘭衰噦噦渚鴻吟顧此凜節謝憂來忽傷心
宋子悲已多潘生歎彌深自古有此愁誰云獨吾今

澹室爲吳君賦

素士脫紈綺澹然怡道心窮廬車馬絕寒鳥下庭陰
酒外寡真趣琴中多古音閉門三日卧風雪滿城深
空明道人詩

我聞赤城東仙嶠名委羽煙霞閑深洞絕壁飛玉鼠
空明中有天日月照瓊宇昔人鍊丹成自駕黃鶴舉
陳翁夙慕道棲此求真侶玄夜長披靈藥朝每茹
石室人不來閑眠青蘿雨于今定非死飛遊去何許
海上幾秋風誰傳令威語

九日無酒步至西汀閑眺

高天無游氛秋氣自激肅離居時節變霜降未授服
蕭條野田間晨步聊遠矚悠悠寒川駛靡靡晴巒矗
菊叢有清香木葉無故綠親朋去我遠登高且連蹢
孤懷誰知音惆悵臨水曲名酒不可尋歸來掩茅屋

題倪雲林所畫義興山水圖

嘗啜陽羨茗不遊陽羨山銅官結秀色都在畫圖間
樊川醉遊處水榭依沙樹雲入縣城來溪流太湖去
我愛露林生高歌無俗情石庭梅欲發須放酒船行
錢孝子廬墓錢吳越忠孝王之後也

颯颯黃竹嶺蕭蕭白楊村行人亦悲哀何況父母恩
不忍返華屋結廬傍孤墳啼猿應哭聲日暮空山昏
無隣與誰語獨宿傷精神仰聞松柏吟俛見狐兔奔
淚洒墓前草當春死芳根至性有如斯不愧忠孝門
送獨山人歸吳興蕪簡菁山靜者

南浦無碧草征鴻晨稍飛何當杪秋節臨水送將歸
既來不能淹君心應好違惻惻袂始判遙遙帆已微
天高桂樹落人在山中稀還尋同袍者更製薜蘿衣
幼文約余與止仲同宿士明鶴瓢山房爲試
茶之會余既入郭而幼文已歸山中士明亦
往海上止仲復以事不赴士明姪元脩留余
夜話因賦是詩以書耿耿

道人出未歸高士來復去試茗失幽期寒齋成獨住
水生洗藥池風動懸瓢樹賴有何威賢玄談到天曙
晚憇靈鷲院池上

微雨過祇樹寺齋涼已多臨流一就盥搖動蒲池荷
風後扇力輕煙中爐氣和慙非許元度吟卧每來過

贈談鬼谷數瞽師金松隱

我聞鬼谷子乃是古仙真避世青谿中不污戰國塵
著書十三章當年授儀秦二子不善用竟皆殺其身
瞽師得異傳相去逾千春不爲從衡說談數妙入神
往年客南都蓬門集朱輪下簾論玄理驚動金陵人
歸來隱虞山繞廬樹松筠誰言目無覩內照靈光新
緬思大化根生此下土民起滅千萬途孰能究其因
或愚騁結駟或賢被懸鶻命也可柰何天道誰疎親

世事昧守常毋使徒紛綸

贈惠山醫僧東山

九峰聚錫麓一水回梁溪之子脩事業長年此幽棲
曲彈白雪妙詩吟碧雲低况有醫龍方丹成重刀圭
採藥夜歸院蘿月照澗西扁舟欲相訪愁作武陵迷
媯雖太史自海上入郭因得追游以叙舊好
今日風雨偶關晤言樓居早寒懷人猶甚想
孤寓僧林同此岑竈也賦是以寄瞻戀之意
良人曠清晤窮年兼離憂倏來自海壖諧我心所求
不殊雲中鴈和鳴得其儔宴閣既連席行塘復同舟

坐聆金玉篇鄙拙何以酬風雨戒茲旦居然阻從遊
祇園念孤寓微瘳苦未瘳落葉驚早寒誰當慰淹留
朋來不我諳願已良有由徒茲睞停雲夕倚城南樓
在遠分難親居近彌使愁信彼詩中言一日如三秋

送徐七山人往蜀山書舍

結客抱狂志傾身通俠交東將觀渤海西欲踰函嶠
奔蹄脫驚轡墮翻連飛鏐酒具載車出兵法篝燈鈔
從軍顛奮立學儒耻譏嘲寧期憂事集頓使芳年拋
塵衣曉城陌雪帽寒江郊客堂感蟋蟀婦室悲爝蜩
自咲失水鮒空慚得雲蛟獲君乃瑚璉顧我猶斗筭